



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicorvm, 1607

S. Golindvcha M. Maria Postea Cognominata.

urn:nbn:de:hbz:466:1-43013

cum ad sedandus eiusmodi turbas, quibus potuissent
 perfacile commoueri, Anatolius magna fiducia illud
 consilij inierit, Et edito miraculo & populus in officio
 contineretur, & hereticorum cohiberetur audacia.
 Habet Zonaras Glycam adstipulatorem, qui id factum
 post Synodum Chalcedonensem, tuuultuantibus rur-
 sus Episcopis quibusdam & Monachis, ab Anatolio
 tradit quadam ferme necessitate compulso hoc ipsum
 inire consilium. Quibus quidem auctoribus haud pe-
 nitus refragamur, cum alia plura non desint exempla
 suis locis inferius recensenda, quibus probatum red-
 ditur, sæpè à sanctis Viris altercationes insuperabiles
 cum hereticis obstinantissimis semel susceptas eiusmodi
 miraculorum virtute esse extinctas, & titubantem
 populum confirmatum, idque priuato diuini Spiritus
 factum instinctu: cum tamen ad Veritatem confir-
 mandam firmiorem esse Propheticum sermonem, ipsam
 nimirum diuinam scripturam: S. Petri Apostoli testi- 2. Petr. 1.
 ficatione habeatur expressum. Hæc Baronius, vnde
 discis de veritate historiæ nullam esse dubitationem,
 sed de tempore tantum disputari, nec inter Conci-
 lij dies actam.

S. GOLINDVCHA M. 13. Iulij.
 MARIA POSTEA COGNO- In Menol.
 MINATA. 81.

PERsis hæc erat patria, vxor magorum
 principis, regnante Cosroe, in Perside,
 imperante Mauritio: ad Christi fidem ex
 viso quodam cœlesti conuersa. Etenim ani-
 mo diuinitus à sensibus auocato, cernebat
 maiores

maiores suos, & quicumque Christum non coluissent, apud inferos æternis ignibus cruciari. Quare & à coniuge suo archimago, & ipso rege in custodiam, quam Lethen appellabant, adducitur, in qua totum octennium versata, cum à Christo auelli nõ posset, in antrum vbi draco stabulabat, cõijcitur, cum quo quadrimestre morata, illũ adeo cicuravit, vti in eum, quietem captura, caput reclinaret, atque Dei munere neque famem vllam sentiret. Hinc postea extracta, Cosroë filio sistitur ad quæstionẽ, lorisque secatur, in quo supplicio papilla illi rupta est. Coniecta dein per caput in culeum cinere viuo plenum, & conclusa in angulum quempiam abiicitur, ex quo tamen illæsa euasit. Inde in ganeo seu lupanari prostibuli loco exponitur, ad quam cum multi impurorum irumperent, illam tamen non repererunt. Ducta ad supplicium ab angelo erepta est; quod illi occumbere cupienti parum gratum fuit. Ergo angelus arrepto gladio percussuro similis illã secundum ceruicem icit, vulnusque visus infligere, vnde sanguis profluxit, quo vestes Martyris sunt purpuratæ, quarum attractu varia morborum genera curata. Sed sancta Martyr Hierosolymam profecta sanctis

*Hac aliter
Nicephor^o
quẽ infra
in Annot.
leges; ali-
terq; Simo-
nista.*

Etis locis cum veneratione cultis, de discrimine Catholicorum & hæreticorum diuinitus edocta, reuersaque Constantinopolim, rebus mortalibus relictis, ad cœlestia migravit.

ANNOTATIONES.

DE hac Menologium Græcum XI. Iulij, in cæteris non reperio. Nicephorus lib. 18. c. 25. ita eam describit. *Tum temporis Verò etiam Golin-
dich martyr viuens enituit. Magis Persicis prognata,
Asmodoch scilicet patre, & Myzuch matre; qua, pro
illorum religione, ignem & aliarum Persarum ab-
ominations colens, & ipsa execrata Deoq; detestata
idolomania & magia dedita erat. Primario autem
ex senatu viro in matrimonium collocata, duos proge-
nuit filios. Et post triennium per eustasim extra se ip-
sam raptâ, ab angelo, diuino dispensationis salutis no-
stra mysterio est initiata. Proindeq; Magis tradita,
multisq; verberibus, & tormentis, qua omnia super-
auit, expedita, miracula infinita, & prodigia mirifi-
ca edidit: identidem angelo, qui dux eius fuit, ad
eam veniente. & Et leuiter & facile omnia perferret,
curante. Multas etiam res arcanas indicauit, & ipso
prouidentia gratiam à Deo consequuta. Postquam ve-
rò per multos annos tormentis excruciatâ, coronam
martyrii ferre concupiuit, qui ei sæpius apparere soli-
tus erat angelus assistens, & iuuenem quendam ensi-
ferum producens, desiderio eius satisfecit. Præcipiente
namque illo, iuuenis ferro caput eius resecuit: & san-
guis è iugulo profluens, in interiorem eius lineam ve-
stem femorum tenuis cruentatam, manauit. Quæ ve-
stis*

stis innumera visa est edere miracula, atque illa etiam post resectionē capitis deinceps superstes vixit. Et quum in Romanorum finibus, ad Cicerium & Dara morata fuisset, etiam ad Hierosolymorum partes peruenit, nouum spectaculum omnibus fidelibus, quippe uiuente adhuc corpore stigmata Christi circumferens, visa. Hac sanē quum grauius a martyrii arumnis afficeretur, Urbes circuibat, angelo duce progrediens, Neque quicquam medicina doloribus adhibuit, natius tantum thermarum lauacris visa. Et quum domesticos suos, & familiares omnes, atque alios præterea ad Christum adduxisset, tandem Hierapoli, seculo hoc relicto, ad immortalem illam vitam concessit. Quae uiuens adhuc ab Imperatore in Urbem suam accita, imperio eius non paruit. Eius vitam Stephanus Hierapolitanus episcopus composuit, qui cum illa fuit, & res quasque ab ea didicit: honorificè etiam & splendide, corpore sepeliendo, funus eius prosecutus. His certiora opinor scripsit Theophilaetus Simocatta, ex quo libet transcribere Pontani nostri interpretationem lib. 5. c. 12.

Refert autem fama, quo tempore Chostroes in regiam redierit, foeminam vixisse apud Hierapolim Golinducham nomine, sed τὴς καὶ πόθεν quæ, & vndenam fuerit, secundum poetam, dicatur sanē, vt magnificentissima narratione perfruemur. Nata est Babyloniae sē Magorum familia. Pater eius de illustribus Præfectis, Vectigalibus Persicis exigendis præerat. Postquam verò ætate florens, viro tempestiua esse cœpit, homini nobili despōsata est. Fortè epulis cum marito accubebat, cum visa est repente viribus defici, manereque immoto corpore, & longo interuallo sensibus conualescere. Qui casum intuebatur (si modo diuinam hanc ecstasim casum

casum nominare licet,) adolescentulam interro-
gant, quid ei acciderit. Respondet, acerbis se ali-
cubi sub terra pœnas constitutas ; magnorum con-
tra bonorum delicias Deum maximum colentibus
decretas vidisse : quem Christiani religiosè vene-
rantes, à Persis irrideantur. Tum vir, eius verba
subfannare, perspectoq; constanti illius Christia-
ni mi complectendi proposito, fustibus impingē-
dis ad sanitatem reducturum arbitrari, necem in-
super minitari, quam Persæ more maiorum illis
inferunt, qui magorum dogmata aspernantur. Sed
illa diuino amore mentem erecta, aures claudere,
dicta in vento atq; aqua scribere. Eidem alia quæ-
dam diuina, præstantiorque illustratio contigit:
Aspirat enim Angelus, forma & veste fulgentissi-
mus, iterum priora ei spectacula exhibens, & mox
futurum mariti obitum prænunciens. Prædicta e-
ueniunt, maritus diem suum obit. Mulier relicta
Babyloniâ Nisibin proficiscitur, ibiq; Christiano-
rum Sacerdotes nacta, vicissim confitetur magna-
lia spiritus, atque ab iisdem sacerdotibus verè cœ-
lesti & arcana Christianorum disciplina initiatur,
Hoc ut magi compererunt, eam requisitum se in
viam dant. Nisibi adunt, & blanditiis potissimum
agunt, indeque abducere secum fæminam conan-
tur. Cum verbis actum agerent, terro carceri eam
longo tempore includunt. Sed auxilio Dei omnia
circumspicientis, eamque nullo tempore absque
testimonio sibi relinquentis, angelo apparente à
custodia exit, atque Romanorum prouinciæ suc-
cedens, apud Hierosolymam insignem, & inenar-
rabilem Dei magnificentiam diuulgat, sacrisque
precationibus ad sepulchrum magni Dei, & salua-
toris nostri **IESU** Christi offusis & crucem passi

R

MOU-

monumentum similiter venerata, Hierapolim regressa est, multa que euentura, Chosroe vaticinata (cum etiam Romanis de eius ad ipsos perugio ac transitione, antequam fieret, prædixisset) & vita exemplo Angelico, atque ut decet sancto, tum animo tum corpore traducta, ab his rebus mortalibus discessit, tolerantia que corona cum triumpho sempiterno redimita est.

Eadem paucioribus habet Euagrius lib. 6. c. 20. qui Galanducham nominat. Ego Simocatta narrationi potissimum subscribo.

16 Iulij:

S. ATHENOGENES
M. & P.

ERat hic Sebastenus origine, Diocletiani imperio, captus à Philomarcho cum decem discipulis, multa que tormenta perpeffus, tandem gladio vitam amisit. Fertur priusquam comprehenderetur, reuisenti ad monasterium suum, in quo tamen neminem offendit, quod omnes iam capti essent, cerua quam in cœnobio aluerat, occurrisse, cui bene precatus uti ne vumquam in venatione, vel illa vel hinnuli illius caperentur, sed ut quotannis ad rei numquam intermorituræ memoriam, & ab ipsa, & post ipsam ex eius propagatione hinnulus adduceretur. quod & factum. Semper enim post S. Euagelij in templo lectionem,

cerua